

## MAIATZEKO LORE-KANTAK

### I SARRERAOKAK.

#### KANTARTEA.

*Guazen, guazen, guziok,  
Birjiña Ama-gana,  
Eskeintzera biotzez  
Lorecho eder bana.*

#### KANTALDIAK.

¡O Ama biotzekoa  
Birjiña garbia,  
Zeruko edertasuna  
Izarren argia!  
*Guazen, guazen, guziok,....*

Zuri eskeinzena gatoz  
Lore lurekoak,  
Zugandik artutzeko  
Gero zerukoak  
*Guazen, guazen, guziok,....*

Lorez estali dira  
Mendi ta zelayak,  
Ostoz apaindurikan  
Arbola galayak.  
*Guazen, guazen, guziok,....*

Zure biotz erdian,  
Birjiña maitea  
Ugari jayo izan da  
Bertute lorea.  
*Guazen, guazen, guziok,....*

Baratz eder orretan  
Dago uda-berria,  
Beti dago, eguzkiya,  
Beti on eguraldia  
*Guazen, guazen, guziok,....*

Bakarrik guk daukagu  
Mundu char onetan  
Pekatuzko negua  
Sarri biotzetan.  
*Guazen, guazen, guziok,....*

Pekatarri gaisoen  
¡Ama guziz-ona!  
Zu-gabe beti dago  
Galdurik gizona.  
*Guazen guazen, guziok,....*

Zu gure biotzetan  
Zera uda-berria,  
Eta gure animentzat  
Grazizko iturria.  
*Guazen, guazen, guziok,....*

Gure illuntasunetan  
Zu zerade argia,  
Gabaz gabilzanean  
Zu gure illargia.  
*Guazen, guazen, guziok,....*

Jaikitzen geranean,  
Zera egun-sentiya,  
Gure epeltasunetan  
Zaitugu eguzkiya.  
*Guazen, guazen, guziok,....*

Gure gauza-on guztien  
 Jatorriya zera;  
 Izan zaite ere azkenik  
 Zeruko sarrera.

Guazen, guazen, guziok,....

Orañ gure eskeñiyak  
 Artu-itzatzu or goira,  
 Aisago igarotzeko  
 Zu zauden jargoira.

Guazen, guazen, guziok,....

## II. AZKENERAKOAK.

### KANTARTEA:

¡O gure Ama lastana  
 Birjiña maitea!  
 Biyotz-ta guzi arzazu  
 Nai dezun lorea.

### KANTALDIAK.

Mayatzeko loreak  
 Zure edertasuna  
 Nai lukete eukitzea  
 Berentzat laguna.  
 ¡O gure Ama lastana....

Ori irichi nayeán  
 Ai dirade edertzen,  
 Naiz gabaz, naiz egunez  
 Beti daude apaintzen.  
 ¡O gure Ama lastana,....

Orrela nai dute esan  
 Zeradela aurrena,  
 Zeru-tarren artean  
 Danik ederrena.  
 ¡O gure Ama lastana....

Betoz lore ederrenak  
 Nere eskuetara,  
 Birjiña-ren aurrean  
 Atozte agerzera.  
 ¡O gure Ama lastana....

Biyotza artu egiguzu  
 Lorakin batean,  
 ¡Ama! gorde gaitzatzu  
 Zere biyotzean.  
 ¡O gure Ama lastana....

¡Noiz agertuko dezu  
 Arpegi eder ori?....  
 Erakutsi egiguzu  
 Noiz-bait guztiori.....  
 ¡O gure Ama lastana....

Zu zaitugu guk Ama  
 Zu gure Erregiña,  
 Damu-degu biotzez  
 Pekatu egiña.  
 ¡O gure Ama lastana....

Arren, ondu gaitean,  
 Iguzu graziya,  
 Ez- utzi irichi-artean  
 Zeruko gloriya.  
 ¡O gure Ama lastana....

J. IGNACIO DE ARANA.

